

Dumonda Tomaschett (Cuira) concernent ils temps da spetga en connex cun il tractament psicologic e psichiatric d'uffants e da giuvenils

Per uffants e per giuvenils cun malsognas psychicas e cun problems psicosocials stattan a disposiziun en il Grischun las purschidas ambulantas e staziunaras da la psichiatria d'uffants e da giuvenils (PUG) sco er psicologs e psichiatrias che lavuran ambulantomain cun uffants e cun giuvenils. Las purschidas terapeuticas da la PUG e dal post da tractament ambulante èn stadas occupadas gia fitg ferm ils onns passads. En il fratemp èsi propi regularmain il cas, che uffants e giuvenils sco er lur famiglias ston spetgar per part plirs mais, fin ch'els survegnan in termin tar ina terapeuta u tar in terapeut.

Gist uffants e giuvenils en situaziuns problematicas e complexas da sanadad e socialas dovran in sustegn svelto e professunal. Ils geniturs, las persunas d'instrucziun u las purschidas simplas sco la lavur sociala da scola u la lavur cun giuvenils pon bain constatar problems, ma betg tractar quels en moda adattada. Gist per uffants e per giuvenils èn temps da spetga d'ina durada uschè lunga problematica, perquai ch'in mais è fitg lung en il mund real dals uffants e dals giuvenils. Durant quest temp da spetga d'aventan ils problems avant maun savens pli acuts. En blers cas permettess in tractament terapeutico a temp da preservar uffants e giuvenils da problems da sanadad anc pli gronds sco er d'evitar escalaziuns che han savens ulteriuras consequenzas.

Il chantun Grischun è obligà da procurar ch'il provediment da la sanadad en il chantun Grischun saja garantì per tut las gruppas en mira. La situaziun actuala en il sector da la psichiatria e da la psicologia d'uffants e da giuvenils na satisfà dentant ni per la terapeuta u il terapeut ni per las persunas pertutgadas u il post interdisciplinar assegnant sco la scola, la lavur sociala da scola u la lavur cun giuvenils. Per megliar la situaziun actuala ston pia vegnir fatgs scleriments detagliads da la situaziun mumentana cun ils partenaris da contact involvids sco er fixads pass d'agid concrets respectivs.

Perquai vulessan las sutsegnadas ed ils sutsegnaders savair da la Regenza:

1. Co valitescha la Regenza ils temps da spetga tar la PUG sco er tar las psichiatrias ed ils psichiaters independents che lavuran ambulantomain cun uffants e cun giuvenils?
2. Co pudessan quests temps da spetga menziunads vegnir scursanids e tge contribuziun pudess il chantun prestar en chaussa?
3. Tge motivs/svilups èn tenor la Regenza responsabels per ils temps da spetga actuals?

Tavau, ils 16 da zercladur 2021

Tomaschett (Cuira), Hitz-Rusch, Gugelmann, Atanes, Baselgia-Brunner, Bettinaglio, Buchli-Mannhart, Cantieni, Caviezel (Cuira), Clalüna, Degiacomi, Deplazes (Rabius), Derungs, Dürler, Ellemunter, Florin-Caluori, Hardegger, Hartmann-Conrad, Hofmann, Holzinger-Loretz, Märchy-Caduff, Müller (Favugn), Müller (Susch), Niggli-Mathis (Grüsch), Noi-Togni, Perl, Preisig, Rettich, Ruckstuhl, Rutishauser, Schwärzel, Stiffler, Thomann-Frank, Tomaschett-Berther (Trun), von Ballmoos, Weber, Widmer-Spreiter (Cuira), Wilhelm, Bürgi-Büchel, Spadarotto, Stieger